

Provediment en Svizra – declerà en moda simpla

Pertge è il provediment important? Er cura che Vus giais en pensiun u sche Vus na pudais betg pli lavurar, duvrais Vus daners per viver. La Svizra ha in sistem da provediment cun trais pitgas, per che Vossas entradas sajan garantidas per quests cas.

1. pitga Provediment statal (AVS)

- Cuvra il pli necessari: locaziun, mangiativas, cassa da malsauns
- Tuts pajan. Vus survegnis daners, sche Vus essas pensiunada/pensiunà u sche Vus na pudais betg pli lavurar
- **Renta AVS:** ca. 30 % da las ultimas entradas avant la pensiun


2. pitga Provediment professional (cassa da pensiun)

- Per che Vus possias mantegnair il standard da viver, cura che Vus giais en pensiun
- **Renta da la cassa da pensiun:** ca. 30 % da las ultimas entradas avant la pensiun

3. pitga Provediment privat (3a/3b)

- Daners per giavischs u segirtad finanziaria. La 1. e 2. pitga cuvran ensemen ca. 60 % da las ultimas entradas. La largia pudais Vus gulivar cun la 3. pitga
- Vus pudais uschia spargnar taglias
- **Pajament:** individualmain

Tge resta en la vegliadetgna? In exempel



*La differenza tranter Voss ultim salari mensil ed ils pajaments da la 1. e 2. pitga vegn numnada largia da provediment. En quest exempel èn quai 2600 francs per mais. Sin la proxima pagina As mussain nus, co che Vus pudais serrar questa largia.

Uschia meglierais Vus Voss provediment

1. pitga Provediment statal (AVS)

1. Evitar largias:

Faschai atenziun che Vus pajas mintg'onn contribuziuns. Er sche Vus lavurais a temp parzial u essas a l'exteriur. Las contribuziuns ston esser pajadas durant 44 onns per survegnir la renta cumplaina. Quai vul dir, a partir da circa 21 onns, cun in pensum cumplain. Mintg'onn che manca reducescha Vossa renta. Vus pudais pajar suenter contribuziuns mancantas entaifer 5 onns.

2. Decurs da la contribuziun:

Tar Voss uffizi AVS (cassa da cumpensaziun) pudais Vus guardar Voss andament da las contribuziuns.

3. Il stadi sustegna geniturs:

Sche Vus tgirais uffants, pudais Vus retrair ulteriuras bunificaziuns per l'educaziun e la tgira.

2. pitga Provediment professional (cassa da pensiun)

1. Lavurar a temp cumplain u cun in pensum parzial pli grond:

Dapli che Vus gudagnais e dapli ch'i vegn pajà en la cassa da pensiun.

2. Pajar voluntarmain dapli daners en la cassa da pensiun:

Vus pudais pajar voluntarmain ulteriurs imports per serrar largias. Uschia pudais Vus er spargnar taglia.

3. Cumparegliar cassas da pensiun en cas d'ina midada da plazza:

Betg tut las cassas èn tuttina. Las prestaziuns e las taxas èn differentas.

3. pitga Provediment privat (3a/3b)

1. Pajar la summa maximala:

Vus pudais pajar fin 7258 francs per onn (stadi 2026) en la pitga 3a.

2. Decidai co che Voss daners vegnan investids:

segir u cun dapli ristga per dapli gudogn.

3. Cumenzar baud a spargnar:

Er pitschnas summas gidan, cunzunt sche Vus avais investì sur in lung temp.


Tge capita, sche Vus investis in pitschen import durant in lung temp? In exempel

tschains annual

6 %

pajament mensil

100 francs



As imaginai: Vus pajas 100 francs per mais. Suerter 30 onns avais Vus pajà 36 000 francs – dentant passa 97 000 francs sin il conto! Co che quai va? Tschains sin Voss tschains. Quai numnan ins l'effect da tschains sin tschains.



Sa laschar cussegliair ussa
AXA.ch/pensions-consultation